

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U BANOVIĆIMA
Broj: 127 0 Pr 082148 25 Zm
Banovići, 04.03.2025. godine

Općinski sud u Banovićima, sudija Jasminka Radunović-Kostić, uz učešće zapisničara Ikanović Ajiše, rješavajući po zahtjevu MUP-a TK-a, PU Banovići, broj: 08-06/13-2-03.-1-2-17/25 od 04.03.2025. godine, za izricanje zaštitne mjere učinocima nasilja u porodici Z.E., na osnovu člana 3. stav 2., člana 4., člana 9. stav 1. tačke 2. i 3., član 12 i 13. i člana 19. i 21. Zakona o zaštiti od nasilja u porodici ("Službene novine F BiH", broj: 20/13), dana 04.03.2025. godine, donio je sljedeće:

RJEŠENJE

Z.E., sin E., rođen ... u T., nastanjen u mjestu ..., općina B., državljanin BiH..

Što je:

Dana 28.02.2025. godine Policijska stanica Banovići zaprimila je akt Udruženja građana „Vive žene” iz Tuzle broj: 137VZ-02/25 od 24.02.2025. godine u kojem navodi da je dana 22.02.2025. godine na tretman u Sigurnu kuću primljena V.S., zajedno sa Mldb.1., Mldb.2. i Mldb.3., a zbog nasilja od strane bračnog partnera Z.E. iz B.. V.S. je dalje navela da su problemi u braku počeli 2012. godine prvo u vidu nesuglasica i stalne galame a zatim i psihičkog, fizičkog i ekonomskog nasilja prema njoj od strane supругa Z.E., što je ona i ranije prijavljivala i zbog čega je ista u maju 2022. godine bila smještena u Sigurnu kuću. Naida je također izjavila da se nakon izlaska iz Sigurne kuće pomirila sa suprugom ali da se nasilje nastavilo na način da Z.E., koji je u tom trenutku radio u inostranstvu, nije slao dovoljno novca za preživljavanje niti joj je dozvoljavao da radi, dok su se svađali svaki put kad bi Z.E. bio kući, kada je Z.E. koristio razne pogrđne riječi nazivajući V.S. „kurvom”, „bestidnicom” i slično, fizički je napadajući a sve u prisustvu djece koju bi također napadao ako pokušaju odbraniti majku.

Dana 22.02.2025. godine, kako je V.S. navela, Z.E. je počeo od jutarnjih sati da galami, da psuje i prijeti te je u jednom momentu rekao: "Ne mogu vas više gledati očima, sve ću vas pobiti" iistjerao ih iz kuće u drugi stambeni objekat koji je u blizini, nakon čega je svakih pola sata silazio do njih, lupao na vrata, govorio pogrđne riječi i ponovo prijetio.

iz čega proizilazi osnovana sumnja da je počinio radnju nasilja u porodici iz člana 7. stav 1. tačka 1, 2, 3, 4. i 5. Zakona o zaštiti nasilja u porodici prema svojoj bračnoj supruzi, pa mu sud, na osnovu člana 9. stav 1. tačke 2, i 3., a u vezi sa članom 12. i, 13. istog Zakona

IZRIČE

1. Z.E. IZRIČE SE ZAŠTITNA MJERA ZABRANE UZNEMIRAVANJA ILI UHOĐENJA OSOBE IZLOŽENE NASILJU svojoj bračnoj supruzi V.S. u trajanju od 2 (dva) mjeseca i to na svim javnim mjestima i na adresi stanovanja, odnosno u stambenoj jedinici u kojoj žrtva nasilja stanuje.

2.Z.E. ZAŠTITNU MJERU ZABRANE PRIBLIŽAVANJA ŽRTVI NASILJA svojoj bračnoj supruzi V.S., u trajanju od 2 (dva) mjeseca na svim javnim mjestima, mjestu boravišta i mjestu stanovanja na udaljenosti koja predstavlja opasnost za osobe izloženu nasilju, a najviše do 100 metara.

Z.E. je dužan postupiti u skladu sa izrečenim zaštitnim mjerama u smislu člana 45. Zakona o zaštiti od nasilja u porodici.

Izrečene zaštitne mjere provest će MUP-a TK-a, PU Banovići, PS Banovići, uz saradnju JU Centrom za socijalni rad Banovići.

Izrečene zaštitne mjere počinju teći od dana donošenja rješenja.

Žalba na ovo rješenje ne odlaže izvršenje rješenja.

Troškovi postupka padaju na teret budžetskih sredstava.

O b r a z l o ž e n j e

MUP-a, TK-a, PU Banovići, Policijska stanica Banovići je svojim zahtjevom broj: 08-06/13-1-02-03.1-2-17/24 od 04.03.2025.godine, podnijela zahtjev, kojim zahtjevom traže da se Z.E., izreknu izreknu zaštite mjere zbog preduzetih radnji nasilja u porodici, u smislu člana 9. stav 1. tačke 2., i 3., i člana 7. stav 1. tačke 1., 2., 3., 4., i 5. Zakona o zaštiti nasilja u porodici F BiH prema svojoj supruzi V.S., što je fizički napada u prisustvu djece.

Zahtjev za izricanje zaštitne mjere Policijska uprava Banovići je obrazložila navodeći da je dana 28.02.2025. godine Policijska stanica Banovići zaprimila je akt Udruženja građana „Vive žene” iz Tuzle broj: 137VZ-02/25 od 24.02.2025. godine u kojem navodi da je dana 22.02.2025. godine na tretman u Sigurnu kuću primljena V.S., zajedno sa Mldb.1., Mldb.2. i Mldb.3., a zbog nasilja od strane bračnog partnera Z.E. iz B.. V.S. je dalje navela da su problemi u braku počeli 2012. godine prvo u vidu nesuglasica i stalne galame a zatim i psihičkog, fizičkog i ekonomskog nasilja prema njoj od strane suprug Z.E., što je ona i ranije prijavljivala i zbog čega je ista u maju 2022. godine bila smještena u Sigurnu kuću. V.S. je također izjavila da se nakon izlaska iz Sigurne kuće pomirila sa suprugom ali da se nasilje nastavilo na način da Z.E., koji je u tom trenutku radio u inostranstvu, nije slao dovoljno novca za preživljavanje niti joj je dozvoljavao da radi, dok su se svađali svaki put kad bi Z.E. bio kući, kada je Z.E. koristio razne pogrдне riječi nazivajući V.S. „kurvom”, „bestidnicom” i slično, fizički je napadajući a sve u prisustvu djece koju bi također napadao ako pokušaju odbraniti majku.

Dana 22.02.2025. godine, kako je V.S. navela, Z.E. je počeo od jutarnjih sati da galami, da psuje i prijeti te je u jednom momentu rekao: "Ne mogu vas više gledati očima, sve ću vas pobiti" i istjerao ih iz kuće u drugi stambeni objekat koji je u blizini, nakon čega je svakih pola sata silazio do njih, lupao na vrata, govorio pogrдне riječi i ponovo prijetio. Uz zahtjev kao prilog dostavili su kopiju akta Udruženja "Vive žene" iz Tuzle broj: 137VZ-02/25 od 24.02.2025.godine, službenu zabilješku MUP-a, TK-a, PU Banovići, PS Banovići broj: 08-06/13-2-04.3- /25 od 22.02.2025.godine i zapisnik o konsultaciji sa organom starateljstva kod predlaganja zaštitnih mjera MUP-a, TK-a, PU Banovići, PS Banovići broj: 08-06/13-2- /25 od 05.03.2025.godine.

U uvodnoj riječi predstavnik ovlaštenog organa je ostao u cijelosti kod navoda, činjenica i prijedloga iz predmetnog zahtjeva za pokretanje prekršajnog postupka MUP-a TK-a, PU Banovići, broj: 08-06/13-2-03.-1-2-17/25 od 04.03.2025.godine, protiv nasilne osobe Z.E., vezano za nasilje u porodici iz člana 7. stav 1. tačke 1, 2, 3, 4, i 5. Zakona o zaštiti od nasilja u porodici, s tim da želio da napomene da je o navedenom slučaju obaviješten JU CSR Banovići koji je saglasan sa predloženim mjerama u zahtjevu, a koje se odnose na žrtvu nasilja V.S.. U toku dokaznog postupka predložio je da se izvrši uvid i čitanje u prijavu Udruženja "Vive žene" iz Tuzle broj: 137VZ-02/25 od 24.02.2025.godine, službenu zabilješku MUP-a, TK-a, PU Banovići, PS Banovići broj: 08-06/13-2-04.3- /25 od 22.02.2025.godine i zapisnik o konsultaciji sa organom starateljstva kod predlaganja zaštitnih mjera MUP-a, TK-a, PU Banovići, PS Banovići broj: 08-06/13-2- /25 od 05.03.2025.godine. Obzirom da se nasilna osoba Z.E. nalazi na radu u inostranstvu, a žrtva nasilja V.S. se nalazi sa malodobnom djecom u sigurnoj kući „Vive žene“ Tuzla, predložio je da sud izrekne predložene mjere, a kod kojeg izlaganja je ostao u završnoj riječi.

Udruženja građana „Vive žene“ Tuzla u svojoj prijavi od 24.02.2025.godine su naveli da su dana 22.02.2025. godine, na zahtjev Policijske stanice Banovići izvršili prijem na tretman u Sigurnu kuću V.S., zajedno sa Mldb.1., Mldb.2. i Mldb.3., a zbog nasilja od strane bračnog partnera Z.E.. Korisnica je navela da se radi o bračnoj zajednici koja je zaključena 2010. godine i da je u početku bilo sve uredu, odnosno sve do rođenja prve kćerke 2012. godine kada kreću nesuglasice među njima, stalna galama, te psihičko, fizičko i ekonomsko nasilje prema njoj od strane supruga. Korisnica navodi da je to nasilje znala nekada i prijaviti, te je zbog nasilja bila smještena u Sigurnoj kući u maju 2022.godine, ali u većini slučajeva psihičko nasilje nije često ni prijavljivala. Nakon izlaza iz Sigurne kuće počela i raditi, a sve troje djece je tada bilo kod svekrve, kada joj je suprug povremeno dao da ostvari kontakt sa njima. Kako korisnica navodi, suprug je tada bio pokrenuo i postupak posredovanja pred razvod braka, a proces je započet i na sudu, ali je on ubrzo povukao tužbu te na nagovor njega ona se vratila u zajednički dom u julu 2022. godine. Nakon povrata u zajednički dom, prvih par mjeseci je bilo dobro, ali ubrzo svađe ponovo kreću, suprug koji radi vani nije slao dovoljno novca ni da prežive mjesec dana, njoj nije dozvoljavao da radi, a svađe su bile prisutne svaki put kada je on kod kuće, a to je bilo često jer je često i mijenjao svoje poslodavce te dolazio kući u tom periodu. Suprug joj je često prigovarao i zašto dijete vodi doktoru, te da to ne smije činiti bez njegovog odobrenja, često joj je psovao oca, majku, istjerivao i nju i djecu iz kuće, nazivao je kurvom, bestidnicom i sličnim pogrđnim imenima. Navela je da to psihičko te i fizičko nasilje prema njoj se uvijek odvijalo u prisustvu djece, a ukoliko bi je djeca pokušala

odbraniti, napadao je i njih, te im psovao i prijetio. Dana 22.02.2025. godine suprug je od jutarnjih sati krenuo *galami, da psuje, da prijeti, te je u jednom momentu rekao " Ne mogu vas više gledati očima, sve ću vas pobiti" i istjerao ih je iz kuće u drugi stambeni objekat koji je u blizini. Nakon je svakih pola sata, silazio do njih, lupao na vrata, govorio pogrdne riječi i ponovo prijetio. Kada se smirio i izašao iz zajedničke kuće, uspjela je preuzeti dokumente, te sa komšinicom otišla u Policijsku stanicu prijaviti nasilje, te od istih je tražila smještaj u Sigurnoj kući.

U prostorijama MUP-a, TK; PU Banovići, PS Banovići, sačinjena je službena zabilješka dana 22.02.2025.godine, na okolnosti postupanja po prijavi G.L., koji je dana 22.02.2025.godine u 20:15 sati putem telefona prijavio da je u naselju D. a nakon što ga je ona pozvala telefonom, svojoj kući dovezao V.S. i njeno troje maloljetne djece a koju je navodno zajedno sa djecom iz kuće u naselju E. istjerao njen muž Z.E.. U naselju G. u porodičnoj kući R.M. pronašli su V.S., kći K., rođena ..., kontakt telefon ... i njeno troje malodobne djece "(...)", te nam je tom prilikom V.S. kazala da ju je navodno neposredno prije vremena prijave iz porodične kuće istjerao njen suprug Z.E. kao i njihovo troje malodobne djece, te je isti kako V.S. navodi prijetio "Ako kažeš kome, ubit ću te ne mogu te više gledat i tebe i djecu, a nakon što ju je istjerao V.S. je na mobilni telefon pozvala G.L. zv. „P.“ i istom kazala da dođe u naselje E. općina B. po nju i njenu djecu, a što je G.L. i uradio te iste prevezao do svoje porodične kuće u naselju G., gdje je patrola i pronašla V.S.. U daljem obavljanju razgovora V.S. im je rekla da je njen suprug Z.E. nije fizički zlostavljao odnosno da nije dolazilo do fizičkog kontakta, ali da ista jednostavno ne želi da više živi sa Z.E. iz njoj poznatih razloga. V.S. je od strane policije kazano da ukoliko ima potrebu da se zajedno sa djecom javi u SHMP DZ Banovići radi ljekarskog pregleda što je V.S. odbila, te na istoj nisu uočili nikakve vidne povrede. S obzirom da je ista insistirala da bude smještena u „Viva žene“ Tuzla (sigurnu kuću) ista je zajedno sa svoje troje malodobne djece od strane patrola S.M. -M.S. prevezena do sigurne kuće gdje je i smještena. Daljim postupanjem po prijavi u naselju E. u porodičnoj zgradi porodične kuće pronašli su Z.E. sin E. rođen ... kontakt telefon ..., koji im je u potpunosti negirao navode prijave, te im rekao da on nije istjerao svoju suprugu V.S. kao ni djecu, te da nema pojma ništa o navedenoj prijavi da je o navodima iste upoznat od strane od patrola policije. Z.E. im je rekao da već duži vremenski period ima problema sa svojom suprugom i da ista pokušava na razne načine da se njega riješi i da mu uzme djecu, te da se on iz tog razloga preselio u pomoćnu zgradu gdje živi i sam sebi kuha, čisti, pere i sprema, kao i da on vodi brigu o svoje troje maloljetne djece jer njegova supruga V.S. ništa ne radi i po cio dan provodi na internetu i mobilnom telefonu. Također njegova supruga koristi njegovu dobrotu, te da se on pokušavao od iste razvesti, ali bezuspješno kao da sam ne zna koje korake u skladu sa zakonom da poduzme jer se boji za svoju djecu.

Naime, na temelju prijave Udruženja „Vive žene“ iz Tuzle broj: 137VZ-02/25 od 24.02.2025.godine, službene zabilješku MUP-a, TK-a, PU Banovići, PS Banovići broj: 08-06/13-2-04.3- /25 od 22.02.2025.godine i zapisnika o konsultaciji sa organom starateljstva kod predlaganja zaštitnih mjera MUP-a, TK-a, PU Banovići, PS Banovići broj: 08-06/13-2- /25 od 05.03.2025.godine, sud je utvrdio da postoje osnovi sumnje da je Z.E. počinio radnju nasilja u porodici člana 7. stav 1. tačke 1., 2., 3., 4., i 5. Zakona o zaštiti nasilja u porodici

F BiH prema svojoj bračnoj supruzi V.S., obzirom da je u isti u prisustvu djece fizički napada.

Na osnovu naprijed navedenog sud nalazi da je u cilju buduće zaštite osobe izložene nasilju bilo neophodno izreći predložene zaštitne mjere te da je zahtjev podnosioca osnovan jer cijeni da postoji opasnost da bi Z.E. mogao ponovo učiniti nasilje u porodici, a ovo pogotovo imajući u vidu činjenicu da bi moglo doći i da je dolazilo i do fizičkog kontakta prema bračnoj supruzi, zbog čega je bilo potrebno odrediti mjere kao u izreci rješenja .

Sud je **Z.E.** izrekao zaštitnu mjeru zabrane približavanja žrtvi nasilja te zaštitnu mjeru zabrane uznemiravanja i uhođenja osobe izložene nasilju, u trajanju od po 2 (dva) mjeseca, a koje mjere su navedene u izreci rješenja iz kojih razloga sud nalazi da su izrečene zaštitne mjere u trajanju kao u izreci dovoljne za otklanjanje ugroženosti osobe izložene nasilju odnosno da će se ovim zaštitnim mjerama osigurati potrebna zaštita osobe izložene nasilju.

MUP-a TK-a PU Banovići, PS Banovići na čijem području su nastanjene žrtve nasilja u porodici, je obavezna postupiti u smislu Pravilnika o načinu provedbe zaštitnih mjera koje su u nadležnosti policije ("Službene novine F BiH" broj: 9/06).

Policajska uprava Banovići uz saradnju JU Centrom za socijalni rad Banovići dužna je pratiti izvršenje zaštitnih mjera i izvještavati sud svako 30 dana, a po potrebi i ranije, a u skladu sa članom 22 a. Zakona o zaštiti od nasilja u porodici.

Centar za socijalni rad Banovići, na čijem području je nastanjena žrtva nasilja u porodici, dužan je postupati po članu 42. stav 1. Zakona o zaštiti od nasilja u porodici „Službene novine F BiH“ br. 20/13) .

Centar za socijalni rad Banovići na čijem području je nastanjena žrtva nasilja u porodici, je obavezna postupiti u smislu Pravilnika o načinu provedbe zaštitne mjere, mjera koje su u nadležnosti Centra ("Službene novine F BiH" broj: 22/05) i osigurati provođenje izrečene zaštitne mjere, te o ne provođenju iste obavijestiti ovaj sud.

Z.E. je dužan postupiti u skladu sa izrečenim zaštitnim mjerama u smislu člana 45. Zakona o zaštiti od nasilja u porodici, u suprotnom može se kaznit za prekršaj novčanom kaznom u iznosu od 1.000,00 KM do 1.500,00 KM.

Odluku o troškovima postupka sud je donio na temelju člana 5. Zakona o zaštiti od nasilja u porodici.

S U D I J A
Jasminka Radunović-Kostić

Pouka o pravnom lijeku:

Protiv ovog rješenja može se izjaviti žalba Kantonalnom sudu u Tuzli u roku od 3 dana od dana dostavljanja rješenja. Žalba se predaje ovom sudu u dva primjerka. Žalba ne odlaže izvršenje rješenja.